

# 菩薩應觀七卅成品一切種智



「大智度論」集粹之十九

## 智 銘

佛說：菩薩摩訶薩，以不住法住般若波羅蜜中，不生。故應具足四念處、四正勤、四如意足、五根、五力、七覺分、八聖道分。以上合爲三十七品。有人問：三十七品是聲聞、辟支佛道，六波羅蜜是菩薩摩訶薩道，佛陀何故於菩薩道中說聲聞法？須知，菩薩摩訶薩，應學一切善法，一切道。如佛告須菩提：菩薩摩訶薩行般若波羅蜜，悉學一切善法，一切道。所謂乾慧地乃至佛地。是九地應學而不取證，佛地亦學亦證。

三十七品不全屬聲聞、辟支佛法而非菩薩道。是般若波羅蜜摩訶衍品中，佛說四念處乃至八聖道分是摩訶衍，三藏中，亦不說三十七品獨是小乘法。佛以大慈故，說三十七品涅槃道。隨衆生願，隨衆生因緣，各得其道。欲求聲聞人，得聞聲聞道，種辟支佛善根人，得辟支佛道，求佛道者，得佛道。隨其本願，諸根利鈍，有大悲、無大悲。

菩薩久住生死，往來五道，不取涅槃，而三十七品雖但說涅槃法，不說波羅蜜，亦不說大悲。仍不足證三十七品非菩薩道。蓋菩薩雖久住生死中，亦應知實道、非實道，是世間、是涅槃。知是已，立大願，衆生可愍，我當拔出著無爲處，以是實法行諸波羅蜜，能到佛道。菩薩雖學、雖知是法，未具足六波羅蜜，故不取證。菩薩摩訶薩求是道品實智時，以般若波羅蜜力故，能轉世間爲道涅槃。何以故？三界世間皆從和合生，和合生者無有自性，無自性故，則是爲空，空故不可取，不可取相是涅槃。以是故，說菩薩摩訶薩，以不住法住般若波羅蜜中。不生，故應具足四念處。

聲聞、辟支佛法中，不說世間即是涅槃。何以故？智慧不深入諸法故。菩薩法中，說世間即是涅槃，智慧深入諸法故，如佛告須菩提：色即是空，空即是色，受、想、行、識即是空，空即是受、想、行、識，空即是涅槃，涅槃即是空。中論中亦說：涅槃不異世間，世間不異涅槃，涅槃際世間際，一際無有異故。菩薩摩訶薩得是實相故，不厭世間，不樂涅槃，三十七品是實智之地。

四念處具足雖能得道，但仍應說四正勤等諸法，何以故？象

生心種種不同，結使亦種種，所樂所解法亦種種。佛法雖一實！相，爲衆生故，於十二部經，八萬四千法聚，作分別說。若不爾，初轉法輪說四諦則足，不須餘法，以有衆生厭苦著樂，爲是衆生，故說四諦。身心得諸法皆是苦，無有樂，是苦因緣，由愛等諸煩惱。是苦所盡處，名涅槃，方便至涅槃，是名爲道。有衆生多念，亂心顛倒故，著此身、受、心、法中作邪行，爲是人故說四念處。（註：四念處：一、身念處——觀身不淨，身之內外，污穢充滿，無些淨處，故觀身不淨。二、受命處——觀受爲苦，受爲苦樂之感，樂從苦之因緣而生，又生苦樂，世間無實樂，故觀受爲苦。三、心念處——觀心無常，心爲眼等之心識，念念生滅，更無常住之時，故觀心爲無常。四、法念處——觀法無我，法爲除上三者所餘之一切，法無自性，故觀爲無我。）如是等種種道法，各各爲衆生說。佛隨衆生種種心病，以衆藥治之。或說一法度衆生（莫取）、或以二法度衆生（定、慧）、或以三法度衆生（戒、定、慧）、或以四法度衆生（四念處）。是故，四念處雖可得道，餘法行異，分別少異，觀亦異，以是故，應說四正勤諸餘法。

菩薩摩訶薩信力大故，爲度一切衆生故，是中佛爲一時說三十七品，若說異法道門，十想等皆攝在三十七品中。是三十七品，衆藥和合，足療一切衆生病，是故不用多說，如佛有無量力，但說十力，於度衆生事足。是三十七品十法爲根本，何謂十法：信、戒、思惟、精進、念、定、慧、除、喜、捨。信者，信根、信力。戒者，正語、正業、正命。精進者，四正勤、精進根、精進力、精進覺、正精進。念者，念根、念力、念覺、正念。定者，四如意足、定根、定力、定覺、正定。慧者，四念處、慧根、慧力、擇法覺、正見。是諸法，念隨順智慧緣中正住，是時名念處。破邪法，正道中行，故名正勤。攝心安隱於緣中，故名如意足。輒智心得，故名根，利智心得，故名力，修道用，故名覺。見道用，故名道。

身念處，受、心、法念處，是爲四念處。觀法四種：觀身不淨，觀受是苦，觀心無常，觀法無我。是四法雖各有四種，身應多觀不淨，受多觀若，心多觀無常，法多觀無我。何以故？凡夫

人未入道時，是四法中，邪行起四顛倒；諸不淨法中淨顛倒，苦中樂顛倒，無常中常顛倒，無我中我顛倒。破是四顛倒故，說是五念處：破淨倒故說身念處。破樂倒故說受念處。破常倒故說心念處。破我倒故說法念處。以是故說四，不少不多。

行者依淨戒住，一心行精進，觀身五種不淨相。何等五：一者、生處不淨。二者、種子不淨。三者、自性不淨。四者、自相不淨。五者、究竟不淨。云何爲生處不淨？頭、足、腹、脊、脅、肌諸不淨物和合，名爲女身。內有生藏、熟藏，尿、尿不淨，外有煩惱業因緣風，吹識種令入二藏中間。若八月，若九月，如在屎坑中，如偈說：

是身爲臭穢 不從華間生 亦不從瞻蔔 又不出寶山  
是名生處不淨。種子不淨者，父母以妄想邪憶念風，吹淫欲火故，肉髓膏流，熱變爲精。宿業行因緣，識種子在赤白精中住，是名身種。如偈說：

是身種不淨 非餘妙寶物 不由淨白生 但從尿道出  
是名種子不淨。自性不淨者，從足至頂，四邊薄皮，其中所有不淨充滿，飾以衣服，澡浴華香，食以上饌，象味餚膳，經宿之間，皆爲不淨。假令衣以天衣，食以天食，以身性故，亦爲不淨，何況人衣食？如偈說：

地水火風質 能變除不淨 傾海淨此身 不能令香潔  
是名自性不淨。自相不淨者，是身九孔常流不淨，眼流眵、淚，耳出結縲，鼻中涕流，口出涎吐，尿道、水道常出尿、屎，及諸毛孔汗流不淨。如偈說：

種種不淨物 充滿於身內 常流出不止 如漏囊盛物  
是名自相不淨。究竟不淨者，是身若投火則爲灰，若蟲食則爲屎，在地則腐壞爲土，在水則膨脹爛壞，或爲水蟲所食。一切死屍中，人身最不清淨，是名究竟不淨。

是身生時、死時，所近身物，所安身處，皆爲不淨，如香美淨水，隨百川流，既入大海，變成鹹苦。身所食噉種種美味，好色好香，油滑上饌，入腹海中，變成不淨，是身如是從生至終，常有不清淨，甚可惡厭，行者思惟：是身雖復不淨，若少有常者猶

差，而復無常。雖復不淨、無常，有少樂者猶差，而復大苦。是身是象苦生處，如水從地生，風從空出，火因木有，是身如是，內外諸苦，皆從身出。內苦名老、病、死等，外苦名刀杖、寒熱、饑渴等，有此身，故有是苦。

四聖諦苦，聖人知實是苦，愚夫隨意五欲，謂之爲樂，聖實可依，愚惑宜棄。是身實苦，以此大苦故，以小苦爲樂，復以新苦爲樂，故苦爲苦，如初坐時以爲樂，久坐則生苦。初行、立、臥亦樂，久亦爲苦。屈伸、俯仰、視旬、喘息，苦常隨身。從初受胎，出生至死，無有樂時。若人以受淫欲爲樂，淫病重故，外求女色，得之愈多，患至愈重。亦是病苦因緣故有，非是實樂。無病觀之，爲生慈愍。離欲之人，觀淫欲者，愍此狂惑，爲欲火所燒，多受多苦。如是等種種因緣，知身苦相、苦因。行者知身不淨、無常、苦惱，不得已而養育之。行者思惟是身，如是不淨、無常、苦、空、無我，有如是等無量過患。如是等種種觀身，是名身念處。得是身念處觀已，復思惟衆生以何因緣故貪着此身？以樂受故。所以者何？從內六情、外六塵和合故，生六種識。六種識中生三種受：苦受、樂受、不苦不樂受。是樂受，一切衆生所欲，苦受，一切衆生所不欲，不苦不樂受不取、不棄。行者觀是樂受，以實知之，無有樂也，但有象苦。何以故？樂名實樂，無有顛倒。一切世間樂受，皆從顛倒生，無有實者。是樂受雖欲求樂，能得大苦。以是故，知樂受能生種種苦。

佛說三種受，有樂受，樂受少故名爲苦。諸聖人禪定生無漏樂，是爲實樂，非是苦也。雖佛說無常即是苦，爲有漏法故說苦。何以故？凡夫人於有漏法中心著，以有漏法無常失壞故生苦。無漏法心不著故，雖無常，不能生憂悲苦惱等故，不名爲苦。亦諸使不使故不苦。若無漏樂是苦者，佛不別說道諦，苦諦攝故。

樂有二種、有漏樂、無漏樂？無漏樂上妙而智慧多，智慧多故能離著。有漏樂中愛等結使多，愛爲著本，實智慧能離，以是苦不著。無漏智慧，常觀一切無常，觀無常故，不生愛等諸結使。無漏樂不離三三昧、十六聖行，常無衆生相，若有衆生相，則

生著心，以是故，無漏樂雖復上妙而不生著。如是等種種因緣，觀世間樂受是苦，觀苦受如箭，不苦不樂受觀無常壞敗相。如是則樂受中不生欲著，苦受中不生恚，不苦不樂受中不生愚癡，是名受念處。行者思惟：以樂故貪身，誰受是樂？思惟已，知從心受，衆生心狂顛倒故而受此樂。當觀是心無常生滅相，一念不住，無可受樂，人以顛倒故，謂得受樂。何以故？初欲受樂時心生異，樂生時心異，各各不相及，云何言心受樂？過去心已滅故不受樂，未來心不生故不受樂。現在心一念住疾故不覺受樂。諸法無常故無住時，若心一念住，第二念時亦應住，是爲常住，無有滅相。如佛說：一切有爲法三相。住中亦有滅相，若無滅者，不應是有爲相。若法後有滅，當知初已有滅。以是故，知諸法無有住時，云何心住時得有受樂？若無住而受樂，是事不然，以是故，知無有實受樂者。但世俗法以諸心相續故，謂爲一相受樂。

有爲法，一切屬因緣故無常，先無今有故，今有後無故無常。無常相，常隨逐有爲法故，有爲法無有增損故，一切有爲法相侵尅無常故。有爲法有二種老。常隨逐故：一者、將老。二者、壞老。有二種死，常隨逐故：一者、自死。二者、他殺。以是故，知一切有爲法皆無常。於有爲法中，心無常最易知。如佛說：凡夫人或時知身無常。而不能知心無常。若凡夫人言身有常猶差，以心爲常是大惑。何以故？身住或十歲、二十歲，是心日月時頃，須臾過去，生、滅各異，念念不停，欲生異生，欲滅異滅，如幻事，實相不可得。如是無量因緣故，知心無常，是名心念處。行者思惟：是心屬誰？誰使是心？觀已，不見有主。一切法因緣和合故不自在，不自在故無自性，無自性故無我。若無我，誰當使是心？

若云心能使身，亦應有我能使心者，應有能使我者，若更有使我者，是則無窮。又更有使我者，則有兩種。若更無我，我能使心，亦應但心能使身。若以心屬神，除心則神無所知，若無所知，云何能使心？若神有知相，復何用心爲？以是故？知但心是識相故，自能使身，不待神也。諸法有相故有，是神無相故無。欲以氣息出入，苦樂等爲神相，是事不然，何以故？出入息等是身相，受苦樂等是心相，云何以身心爲神相？

（未完）